

Sive ea purpureos tellus quæ tendit ad ortus,  
Quæque sub occiduo sole relicta jacet,  
Quæcunque aut gelidas terræ flectuntur ad Arctos,  
Quæve sub australi noscitur esse polo.  
Aut ea quæ extremos nutrit populosa Britannos  
Insula, quæ Oceano cingitur ampla mari,  
Quam longe Europæ tenduntur denique fines,  
Exquirunt fratres omnia regna tuos.  
Omnia non possunt nunc carmina nostra notare :  
Hæc pauca ex multis disseruisse sat est.  
Nam gravis hæc nostras superat provincia vires,  
Vena cui fluitat suavior, ille canat.

A Hæc mihi sufficiat raptim tetigisse canendo ;  
Non facit ad tantum nostra camœna virum.  
AD CLARE-VALLENSES.

Post præcepta Patris, præsens dum vita superates,  
Pergite; nam tacito jam fugit illa pede.  
Nec vos poeniteat mundi sprevisse ruentis  
**1306** Tractandas parvo tempore delicias.  
Tristia quæmodo sunt quæcunque, et amara videntur,  
Gaudia post mortem non peritura parant.  
Post lacrymas, gemitus, longa et suspiria vallis,  
In montem excelsum vos trahet ipse Deus.

## CARMEN ENCOMIASTICUM

*in vitam et obitum B. Bernardi Clare-Vallensis canonici primi abbatis.*

AUCTORE BAPTISTA MANTUANO.

(Ex VIII Fastorum.)

Bernardi lux festa venit celeberrima Belgis.  
Belga fuit, sex germanos, unanimque sororem  
Traxit ad obsequium Christi. Deus omnibus unum  
Inspiravit opus, vitæ genus omnibus unum.  
Mater adhuc prægnans vidit per somnia, crebris  
Se gestare utero catulum latratibus acrem.  
Sic Deus ostendit, venturi qualia partus  
Ora et corda forent contra genus omne malorum.  
Ipse pudicitiam coluit, muliebria passus  
Bella tamen juvenis, roseo quia candidus ore,  
Corda paroxysmis gravibus torquebat, et igne  
Quo Venus accedit teneras incesta medullas.  
Cum peteret Celtas, et nox jam pallida coolum  
Clauderet, hospitium subiit : temeraria noctu  
Hospita sopito juveni petulanter adhæsit,  
Admovitque latus lateri. Scelus ille repente  
Horruit, et magno sociis clamore vocatis  
Nequitiam facto vicit terrore furentem.  
Ingens forma malum, quo nulla nocentior herba  
Per juga Thessaliam legitur, per Phasidis arva.  
Tradidit ingenium sacris sermonibus, omne  
Quod docuit Christus, quod prædictere prophetæ,  
Quod didicit Moyses Panchæ in vertice, secum  
Assidue meditans, sine præceptoribus ullis  
Scivit, et idcirco silvas habuisse magistras

B Se dicebat; Inops vixit : sed munda volebat  
Vestimenta, situm damnans, sordemque perosus.  
Id curæ quod vulgus habet pro corpore, solam  
Transtulit ad mentem, vitiorum acerrimus hostis.  
Si populis certamen erat, discordia regnus,  
Bernardus pacator erat, legatus ad urbes  
Ibat, et ad reges odium fracturus et iram,  
Munere fungentem tali videre Alemanni.  
Videre Insubres quandam, videre Aquitani.  
Si quando in dubiis nutabant pectora rebus,  
Ipse erat interpres ducens mortalia corda  
De tenebris ad lumen, uti solet ignea lampas  
Longinqua de turre micans adducere noctu  
Turbine jactatos secura ad littora nautas.  
Prodigiis, quot vix numero comprehendere fas est,  
Claruit, occultas hominum cognoscere curas,  
C Pellere avernales genios, curare jacentes  
In languore potens : ideoque impleverat orbem  
Fama Viri, nomenque volans peregrina per ora.  
Sex decies fundasse decem Cistercia tecta,  
Dicitur : unius valuit prudentia tantum.  
Sacra igitur meritis hujus vigesima tanti  
Est aurora patris, qua sese in summa recepit  
Limina supremi quod continet omnia cœli.

## S. BERNARDI EPITAPHIUM,

*Auctore Adamo de Sancto-Victore.*

Clare sunt Valles sed claris Vallibus Abbas  
Clarior his clarum nomen in orbe dedit.  
Clarus avis, clarus meritis, et clarus honore,  
Claruit eloquio, religione magis.  
Mors est clara, cinis clarus, clarumque sepulcrum;  
Clarior exultat spiritus ante Deum.

Martyrio Magni celebrato, magnus ad ipsum  
Colligitur Martyr; par sine morte pari.

In manuscripto codice Aquicinctensi legitur carmen sic inscriptum: « venerabili albati Claræ Vallensi Bernardo, Anselmus, in laudem Claræ Vallis, » sub hoc initio:

*Vallis deveza, quam mons devexus opacat.*

## DESCRIPTIO

### POSITIONIS SEU SITUATIONIS MONASTERII CLARÆ-VALLENSIS.

Si situm Claræ-Vallis nosse desideras, hæc tibi scripta sint pro speculo. Duo montes non longe ab abbatia habent initium, qui primo angustæ vallis interjectione distincti, quo magis ad abbatiam appropiant, majore hiatu fauces dilatant: quorum alter alterum abbatiae latus dimidium, alter totum occupat. Alter secundus **1307** vinearum, alter frugum fertilis, jucundum visui, et usui commodum ministerium præbet: dum per devexa latera in altero crescit quod comedatur; quod bibatur, in altero. In summis montium frequens monachis labor est, amoenus quidem et quiete jucundior, ramale vetus colligere, et colligare fasciculos ad comburendum. Squalentes extirpare dumos, et solis aptos ignibus aptare, eruderare sentes, evellere, destruere, disperdere (ut secundum Salomonem dicam) spuria vitulamina (*Sap.* iv, 3), quæ crescentium arborum vel ligant ramos, vel radices suffodiunt, ne impediatur rigida quercus sublimi salutare sidera vertice, tilia mollis brachia explicare, fissilis et flexilis fraxinus libere se in altum extendere, patulave fagus in latum expandere.

Porro abbatiae pars posterior in latam desinit planitiem, cujus partem non modicam murus occupat, qui abbatiam diffuso cingit ambitu. Intra hujus septa multæ et variae arbores variis secundæ fructibus instar nemoris pomarium faciunt: quod infirmorum celles contiguum, infirmitates fratrum non mediocri levat solatio, dum spatiosum spatiantibus præbet deambulatorium, æstuantibus quoque suave reclinatorium. Sedet ægrotus cespite in viridi, et cum inclemencia canicularis immitti sidere terras excusat, et siccitat flumina, ipse in securitatem et absconzionem et umbraculum diei ab æstu, fronde sub arborea ferventia temperat astra: et ad doloris sui solatum, naribus suis gramineæ redolent species. Pascit oculos herbarum et arborum amoena viriditas, et pendentes ante se, atque crescentes immensæ ejus deliceze, ut non immerito dicat: *Sub umbra arboris illius, quam desideraveram, sedi, et fructus ejus dulcis gutturi meo* (*Cantic.* ii, 3). Aures suavi modulamine demulcet pictarum concentus avium: et ad unius morbi remedium, divina pietas multa procurat solatia, dum aer nitida rident serenitate,

A terra secunditate spirat, et ipse oculis, auribus, naribus, colorum, canorum, odorum delicias haurit.

Ubi pomarium desinit, incipit hortus intercisis distinctus areolis, vel potius divisus rivulis intercurrentibus. Nam licet aqua dormitans appareat, pigro tamen decurrit elapsu. Pulchrum et hic infirmis fratribus præbet spectaculum, dum super viridem puri gurgitis marginem sedent, vitrea videre sub unda pisciculos ludere, et natatu obvio militarem repræsentare congressum. Aqua hæc piscibus aenatis, et rigidis oleribus dupli ministerio servit: cui Alba, famosi nominis fluvius, indefesso meatu sumenta ministrat. Hic per multas abbatiae officinas transitum faciens, ubique pro fideli obsequio post B se benedictionem relinquit: qui ad hoc cum multo quidem labore concedit, non integer, nec tamen otiose pertransit. Ipse quidem medianum vallem flexuoso intersecans per alveum, quem non natura, sed fratrum industria fecit, dimidium sui mittit in abbatiam, quasi ad salutandum fratres, et se, quod totus non venerit, excusandum, quippe qui totius capax canale non invenit. Et si forte amnis ipse inundans impetuoso excursu proruit, objectu muri retroactus subtus quo eum necesse est fluere, in se ipsum recurrit, et resuum denuo deslius amplexatur. Intro missus vero quantum murus, portarii vice, permisit, primum in molendinum impetum facit, ubi multum sollicitus est, et turbatur erga plurima, tum molarum mole far comminuendo, tum farinam cribro subtili segregando a furfure.

Hic jam vicina domo caldarium implet, se igni coquendum committit, ut fratribus potum paret, si forte sterilis vindemia cultoris industriæ non bene responderit, et defectu sanguinis uvæ, de filia fuerit festucæ supplendus. Sed nec sic se absolvit. Eum enim ad se fullones invitant, qui sunt molendino confines, rationis jure exigentes, ut sicut in molendino sollicitus est, quo fratres vescantur, ita apud eos paret, quo et vestiantur. Ille autem non contradicit; nec quidquam eorum negat quæ petuntur: sed graves illos, sive pistilos, sive malleos dicere mavis, vel certe pedes ligneos (nam hoc nomen saltuoso fullonum negotio magis videtur congruere)